

Sicole :

Les dobès cawetes

Ene **dobe cawete**, c' est ene cawete di mot fwaite avou deus ôtès simpès cawetes.

Egzimpes di dobès cawetes

avou l' sititchete flaminde -k-

-iket : potiket, maniket

-icot : bouricot, mårticot => tournicoter, boursicoter

dobe cawete d' adviebe

-dimint : droidimint, dialdimint, normåldimint, biesdimint, ôtdimint.

-euzmint : spepieuzmint, sincieuzmint

-iveuzmint : grandiveuzmint

dobè cawetes fwaite sol cawete -ea

-ler : rustea => rust**eler**, gurzea => gurz**eler** ; tchapea => tchap**el**reye, tchap**urn**êye ; saeyea => saey**lete** ; agnea => agn**ler**

dobès cawete fwaites sol cawete -aedje

-aedjî (viebe) : ramaedjî, ecoraedjî, damaedjî

-aedjî (sustantif) : messaedjî, pàstaedjî

-aedjmint : ecoraedjmint

-aedjreye : messaedjreye, pàstaedjreye

dobes cawetes di codjowaedje

futeur et codicioneu : -rans (nos magnrans), -roz (vos magnroz) ;
-réns (dji tchantréns), -reu (dji boutreu)

suddjonctif erirece : ki dj' alaxhe, ki nos rindénxhe

Bascolidîs (loukîz p. 2)



Eciclopedeye

Les bascolidîs

Les bascolidîs u mosteyidîs, c' est ene famille di biesses ås tetes pareys al bascolete. C' est tos magneus d' tchå, mins i polèt eto magnî did tot, come li taesson.

Les mosteyidîs del Walonreye

Sacwants bascolidîs (do pus ptit å pus grand)

li marcote u bascolete.

l' erminete

li vexhåd

li furet (aclevåve)

li fawene

li mâte ou mâtrea

li lote

li taesson

Ricnoxhoz ces bascolidîs ci ? Vicants, moirts ou epayîs ? Sav dire on ptit mot so tchaeke ? Li ké ki n' si trove nén el Walonreye ?



Tchanson

Les leus ont des tiesses di bedot

Dispu k' Loumoumba a stî touwé pask' il aveut dit l' verité / Dispu k' Lahaut est la e hôt pask' il aveut djâzé tot hôt. / Dispu k' ene feye a stî stofêye dins ene avion ki daléve lon, / Les leus ont des tiesses di bedots / Padrî les rôzes, gn a les picots.

Resploe

C' est l' ci k' est al copete / Ki tént l' mantche del sârpète / Si çki vos djhoz n' plait nén, / Vos sroz bénrade fâтчi / N' a nén riban, n' a nén ribene / Målureuzmint, c' est todi l' minme / Les ptits rwaitants n' ont rén a dire / Sol djeu des grands, ça c' est co pire.

II. El ci k' a des triyonfes dins s' djeu, / Il a l' droet d' vos taper djus / Des efants sôtèt so des menes: / Nouk n' arestêye li grosse machine; / Des ptits djonnes sont droukés po touwer / Al cocayene k' elzès disfwait. / Nos vicans co dins l' barbareye; / Les sôdârs foircixhèt todi.

å resploe

III. Par ci, on djonne ome a stî touwé / Come on live ki court dins on bwès. / Pol diyamant, Kissangani / A stî tafwaitmint crucifyî. / Les fjheus d' fiziks ont leus fabrikes / Et leus botikes di ç' costé ci. / On fwait shonnance, shonnance di rén / Ca l' moirt fwait viker nos ovrîs.

å resploe

IV. Tos les djoûs, des femes sont touwêyes / Pa leu-z ome u pa leu galant / N a des ptitès feyes ki sont foirceyes / Ki çoula lzî dmeure tote leu veye. / End a ds ôtes k' on rsaetche leu caclindje / Paski c' est insi dins l' clan. / Leu vicaedje, c' est come on vuvaedje, / Minme si elle ont seulmint troes ans.

Dierin resploe

Vlèt tertos esse al copete / Po tni l' mantche del sârpète. / Ene feye k' el tént, i vout fâтчi / Et ça rcomince come todi. / Les ptits rwaitants k' ont divnou grands / Volnut djouwer å djeu des grands. / End n' a nén onk k' est spârgnî. / Volnut tertos esse el prumî.

Julos Beaucarne, boket tchanté dins: Co ene rawete